



洪憲元年二月十六日星期三第四十一號

政事堂印鑄局發行

北京東長安牌樓王府井大街
電話東局二百零一號

政率辦府公報

本報價目

- 一本報按照陽曆每日出報一號
 - 一定購三月者收回大洋二元三毛
 - 一定購長年者收回大洋八元
 - 一外埠購報每半年加郵費洋一元
 - 一定購一月者收回大洋八毛
 - 一定購半年者收回大洋四元五毛
 - 一零售每號銅元五枚以本日為限
 - 一裝訂每月收回大洋一毛五分不裝訂者聽
- 如送報夫役私自加價請告知本局以便查究是為至要

目錄

命令

國務卿奏據銓叙局詳稱署山西政務廳廳長

裘炳熙署新疆政務廳廳長徐謙暫署貴州

政務廳廳長何麟書請均予緩覲摺

國務卿奏據銓叙局詳請將陸軍訓練總監暨

軍學編輯局薦委各員分別叙官摺(附單)

外交部奏前任駐外代表公使吳宗濂等擬請

特予一體叙官摺

陸軍部奏山東河防營長何東來積勞病故擬

請照章給卹摺

兼署奉天巡按使段芝貴奏援案設立政治研

究所擬定章程規則摺

兼署奉天巡按使段芝貴片奏整飭吏治大概

辦法摺

兼署奉天巡按使段芝貴奏縣知事張日睿等

到省一年期滿照章甄別摺(附單)

署浙江巡按使屈映光片奏長興縣知事黃贊

元擎獲鄰境盜犯請照例給獎摺

福建巡按使許世英奏陳福建省民國四年

分各縣秋收分數繕具清單請訓示摺(附

單)

福建巡按使許世英奏清流縣屬被水田畝勘

未成災毋庸蠲緩情形恭摺祈鑒摺

蒙藏院奏報外蒙貢使車臣汗那旺那林等抵

京日期摺

呼倫貝爾副都統勝福等奏報啟用印信日期

并感謝恩施摺

示

農商部示(續)

公電

籌備國民代表大會事務局致各省將軍巡按

使熱河綏遠察哈爾都統各護軍使各鎮守

使電

大理院覆直隸高等審判廳電(統字第三百

八十四號)附來電

判詞

文官高等懲戒委員會議決書(四年第一百

六十八號至一百七十號)

通告

交通部通告

大理院長二庭公開審判案件日時通告

大理院刑一庭公開審判案件日時通告

大理院刑一庭公開審理案件日時通告

大理院民一庭公開審判案件日時通告

大理院刑二庭公開審判案件日時通告

廣告

諭令

政事堂奉

策令特授博克多哲布尊丹巴呼圖克圖汗以大勳位之章此令

政事堂印

洪憲元年二月十五日

國務卿陸徵祥

政事堂奉

策令哲里木盟長郡王齊默特散斂勒之子頭等台吉達木林旺濟勒著封為鎮國公卓索圖盟長親王色凌那木濟勒旺寶前經賞食雙俸著再賞加一鎮國公俸昭烏達盟長親王蘇珠克圖巴圖爾著賞食親王雙俸錫林郭勒盟長親王揚桑之子輔國公勒欽圖布齋著晉封鎮國公並加貝子銜烏蘭察布盟長親王勒旺諾爾布著賞食親王雙俸伊克昭盟長親王特固斯阿勒坦呼雅克圖之子輔國公署鄂爾多斯左翼旗扎薩克圖布新濟爾噶勒著晉封鎮國公並加貝子銜青海盟長貝勒那木當吹固爾郡王銜貝勒吹木斂勒諾爾布均著晉封郡王昭烏達前任盟長巴咱爾吉里第之子輔國公旺沁帕爾賚著晉封鎮國公烏納恩蘇珠克圖盟長舊土爾扈特扎薩克卓里克圖汗布彥孟庫著賞食雙俸巴啟色特啟勒圖盟長和碩特中旗扎薩克阿穆爾靈貴貝勒班第著晉封郡王青色特啟勒圖盟長新土爾扈特右旗扎薩克親王密什克棟固魯布著賞食雙俸此令

洪憲元年二月十五日

政事堂印

國務卿陸徵祥

政事堂奉

策令特予伊昌阿賽音吉雅圖卿蓋勒補音伊達木一等輕車都尉世職此令

政事堂印

洪憲元年二月十五日

國務卿陸徵祥

政事堂奉

策令特予烏勒吉武凌阿二等輕車都尉世職此令

政事堂印

洪憲元年二月十五日

國務卿陸徵祥

政事堂奉

策令特予布勒特烏勒吉布和伯隆貢楚克扎布巴圖德立格三等輕車都尉世職此令

政事堂印

洪憲元年二月十五日

國務卿陸徵祥

政事堂奉

策令那旺那林給予一等嘉禾章此令

政事堂印

洪憲元年二月十五日

國務卿陸徵祥

政事堂奉

策令扎木彥多爾濟給予一等嘉禾章此令

政事堂印

洪憲元年二月十五日

國務卿陸徵祥

政事堂奉

策令恩華給予二等嘉禾章此令

政事堂印

洪憲元年二月十五日

國務卿陸徵祥

政事堂奉

策令股本浩給予四等文虎章此令

政事堂印

洪憲元年二月十五日

國務卿陸徵祥

政事堂奉

策令李名山給予五等嘉禾章此令

政事堂印

洪憲元年二月十五日

國務卿陸徵祥

政事堂奉

策令繩秀山給予五等文虎章此令

政事堂印

洪憲元年二月十五日

國務卿陸徵祥

政事堂奉

申令龍濟光張鳴岐電奏亂黨朱執信謝細牛等聚集匪徒圖襲番禺縣屬石湖村附近之兵工廠當經分遣軍隊馳往圍捕匪徒窮困死拒團長田春發營長吳仲明衝鋒猛進中鎗殞命旋經各軍合力攻剿轟燬匪巢擊斃匪首謝細牛及悍匪多名並生擒三十餘名請分別

卹獎等語該亂黨聚謀擾害一經發覺立即剿平免致貽患地方辦理甚爲妥速團長田春發營長吳仲明忠勇奮發冒險捐軀深堪痛惜田春發著追贈陸軍中將給予騎都尉世職世襲罔替吳仲明著追贈陸軍少將給予雲騎尉世職世襲罔替交陸軍部照中將少將例分別議卹以慰忠魂其餘傷亡弁兵及出力人員並著查明奏給卹獎此令

政事堂印

洪憲元年二月十五日

國務卿陸徵祥

政事堂奉

策令馬鴻賓授爲陸軍步兵上校並加陸軍少將銜此令

政事堂印

洪憲元年二月十五日

國務卿陸徵祥

政事堂奉

策令海明布和立克珠爾孟和圖丹贊朝魯克巴雅爾布庫林沁巴圖桃克桃布和色布那木噶爾濟格克希克巴圖尤木沁均給副都統銜此令

政事堂印

洪憲元年二月十五日

政事堂奉

國務卿陸徵祥

策令陸軍部奏請揀派營長員缺應准以史書年充任陸軍第十師步兵第十三團第一營營長此令

政事堂印

洪憲元年二月十五日

國務卿陸徵祥

政事堂奉

策令陸軍部奏湖北陸軍第一師步兵第一旅少校副官余開湧回籍葬親懇請免職余開湧准免本職此令

政事堂印

洪憲元年二月十五日

國務卿陸徵祥

政事堂奉

策令陸軍部奏請揀派副官員缺應准以鄒玉龍充任湖北陸軍第一師步兵第一旅少校副官此令

政事堂印

洪憲元年二月十五日

國務卿陸徵祥

政事堂奉

策令蒙藏院奏准昭烏達盟長郡王巴咱爾濟哩第等咨請以扎木揚扎布補放扎魯特右旗協理台吉應照准此令

政事堂印

洪憲元年二月十五日

國務卿陸徵祥

內務部奏遵議江西巡按使請將潯陽道缺升列一等由

政事堂奉

批令准其升列一等交財政部查照并由政事堂飭法制銓叙兩局查照仍由該部行知該巡按使遵照此令

政事堂印

洪憲元年二月十五日

國務卿陸徵祥

陸軍部奏請准以榮連補驍騎校員缺由

政事堂奉

批令准其升補此令

政事堂印

洪憲元年二月十五日

國務卿陸徵祥

陸軍部奏照章請將白德連補授陸軍一等軍需由

政事堂奉

批令准如所擬補授此令

政事堂印

洪憲元年二月十五日

國務卿陸徵祥

蒙藏院奏請將密拉塔承襲恩騎尉世職由

政事堂奉

批令准其承襲此令

政事堂印

洪憲元年二月十五日

國務卿陸徵祥

步軍統領衙門奏稽查官洪隆廷等奉令給章代陳謝悃由

政事堂奉

批令悉此令

政事堂印

洪憲元年二月十五日

國務卿陸徵祥

湖北巡按使段書雲奏縣知事楊鴻通等到省一年期滿照章甄別由政事堂奉

批令悉交內務部查照並由政事堂飭銓叙局查照單併發此令

政事堂印

洪憲元年二月十五日

國務卿陸徵祥

湖北巡按使段書雲奏湖北全省警務處處長崔振魁奉授勳位據情代陳感激下忱由政事堂奉

批令悉此令

政事堂印

洪憲元年二月十五日

國務卿陸徵祥

湖北巡按使段書雲奏籌設吏治研究所由

政事堂奉

批令准如所擬辦理交內務財政兩部查照此令

政事堂印

洪憲元年二月十五日

國務卿陸徵祥

靖武將軍督理湖南軍務湯彥銘奏報四年十月分各軍隊辦理盜匪案件執行死刑人數列表由

政事堂奉

批令悉交陸軍部查照表併發此令

政事堂印

洪憲元年二月十五日

國務卿陸徵祥

靖武將軍督理湖南軍務湯彥銘奏請將已故陸軍上將吳紹璘勳績暨死節事實宣付國史館立傳由

政事堂奉

批令交國史館查照履歷事略並發此令

政事堂印

洪憲元年二月十五日

國務卿陸徵祥

湖南巡按使沈金鑑片奏湖南財政廳薦任委任各職員擬請分別叙官由

政事堂奉

批令交政事堂銜銓叙局核辦單並發此令

政事堂印

洪憲元年二月十五日

國務卿陸徵祥

湖南巡按使沈金鑑奏舉行學績試驗擬定日期由

政事堂奉

批令悉交政事堂銜銓叙局查照此令

政事堂印

洪憲元年二月十五日

國務卿陸徵祥

湖南巡按使沈金鑑奏審核公署職員資格擬請分別叙官由

政事堂奉

批令交政事堂飭銓叙局核辦單並發此令

政事堂印

洪憲元年二月十五日

國務卿陸徵祥

德武將軍督理河南軍務趙倜奏胞弟趙傑授官派差謹陳謝忱由

政事堂奉

批令悉此令

政事堂印

洪憲元年二月十五日

國務卿陸徵祥

督辦近畿疏通河道事宜徐世光奏為近畿疏通河道公所自開辦後組織粗定謹將職

員職掌經費開單奏明恭摺仰祈聖鑒由

政事堂奉

批令悉交內務財政兩部查照備案單並發此令

政事堂印

洪憲元年二月十五日

國務卿陸徵祥

奏摺

國務卿奏據銓叙局詳稱署山西政務廳廳長裘炳熙署新疆政務廳廳長徐謙暫署貴州政務廳廳長何麟書請均予緩覲摺

奏為署山西政務廳廳長裘炳熙等擬請緩覲恭摺仰祈 聖鑒事據銓叙局詳稱本年一月一日政事堂奉

策令任命裘炳熙署山西政務廳廳長此令同月五日政事堂奉 策令任命徐謙署理新疆政務廳廳長此令又同月二十五日政事堂奉 策令任命何麟書暫署貴州政務廳廳長此令各等因奉此查

覲見條例內載簡任各職因必要情形得呈請緩覲又因職務重要得先行就職各等語此次裘炳熙署山西政務廳廳長徐謙署理新疆政務廳廳長何麟書暫署貴州政務廳廳長職務重要且係署任人員擬請均准予緩覲是否有當詳請轉奏等情理合恭摺具奏伏乞 皇帝陛下聖鑒訓示遵行謹 奏

政事堂奉

批令裘炳熙等均准緩覲此令

政事堂印

洪憲元年二月十一日

國務卿陸徵祥

國務卿奏據銓叙局詳請將陸軍訓練總監暨軍學編輯局薦委各員分別叙官摺(附單)

奏為遵核陸軍訓練總監薦委各員叙官資格開單恭摺仰祈 聖鑒事據銓叙局詳稱民國四年十二月

二十七日奉交統率辦事處函送軍用文職叙官履歷擬交銓叙局核叙奉 批閱等因茲經職局將陸軍

訓練總監薦委各員履歷詳加審查均屬相符謹分別開單詳請轉奏前來理合恭摺具陳伏乞 皇上聖

鑒訓示施行謹 奏

政事堂奉

批令孫雄等已另有令明發其高紳漢以下各員並准如擬授官此令

政事堂印

洪憲元年二月十一日

國務卿陸徵祥

謹將陸軍訓練總監委任各員叙官名單開列恭呈 御覽

計開

陸軍訓練總監三等科員高紳漢 三等監員高自超 四等監員陳祖楨

以上三員積資四年以上並曾為委任職按照文官官秩令應授為上士

陸軍訓練總監四等監員辛世培

以上一員積資二年以上並曾為委任職按照文官官秩令應授為中士

陸軍訓練總監三等科員王獻廷 王庶明 四等監員李樹毅 朱履謙

以上四員或積資未滿二年或未曾為委任職按照文官官秩令應授為少士

外交部奏前任駐外代表公使吳宗濂等擬請特予一體叙官摺

奏為前任駐外代表公使人員擬請 特予一體叙官恭摺仰祈 聖鑒事竊駐紮各國公使胡惟德等

均經先後恭奉 策令分別授官在案茲查有前駐義大利國代表現充外交諮議吳宗濂前駐和蘭國特

命全權公使現充外交諮議魏宸組均以開缺在前未及叙授吳宗濂宣力外交垂三十年資勞甚深聞望素

著魏宸組前在駐和公使任內辦事亦甚得力該二員現雖交卸使務留京當差似應錄其前勞用資觀感擬

請准予照現任公使之例一體叙官以昭激勸除將該員等詳細履歷咨送銓叙局外所有前任駐外代表公

使人員擬請叙官緣由理合恭摺具陳伏乞

聖鑒訓示施行謹 奏

政事堂奉

批令交政事堂飭銓叙局核叙此令

政事堂印

洪憲元年二月十一日

國務卿陸徵祥

陸軍部奏山東河防營長何東來積勞病故擬請照章給卹摺

奏為河防營長積勞病故擬請照章給卹恭摺仰祈 聖鑒事准政事堂銓叙局咨開准山東巡按使咨開據下游河防局局長吳師程詳稱查下游北岸第四營營長何東來積勞病故日期及派員代理營長事務緣由業經詳報在案茲據代理北岸第四營營長吳振海詳稱本營已故營長何東來生年五十一歲係湖南湘潭縣人於前清光緒十年投効山東河工歷於搶險堵口案內出力遞保記名總兵光緒三十年蒙前山東巡撫周委充本營營長是年十月初三日到差籌修籌防勞瘁不辭十數年來始終如一以致積勞成疾本年因親督弁兵在本營柳樹坡一帶修防新險工程感受風濕發生瘡疾於民國四年七月三十一日在工病故身後蕭條所遺孀妻何劉氏嗣子何文華貧苦無依死者旅艱難歸生者無以餬口目覩情形殊堪憫惻用敢據實代陳擬懇局長俯賜憐憫可否轉請給予卹金以示矜卹等情到局據此查該故員何東來在工効力三十餘年由汛弁遞升營長供職亦逾十年每遇防汛搶險辦理悉合機宜平時修防工程亦有成效可觀即自民國元年迄今四載該營王莊柳樹坡等處迭出巨險均賴該故員搶辦得力轉危為安保全頗巨卓著勤勞實係在工積勞病故查與陸軍平時卹賞章程第四章積勞病故卹賞規則所列情事相同擬請援照平時陸軍官佐在軍營立功後勤勞卓著染病身故之例請給一次卹金以資觀感惟該故員於前清已保記名總兵此

次究應比照陸軍官制何等階級議卹之處局長未便擅擬所有營長積勞病故身後蕭條據情轉懇咨請卹金緣由是否有當理合具文詳請鑒核恩准轉咨核辦示遵等情前來本公署核其在工勞績與充任營長年限均屬相符查近日駐藏參贊羅長裕辦理阿爾泰屯田延年在差身故均經部議按照陸軍上校階級給卹又江南劉河河工局主任錢溯瀾亦蒙 批令准給一次卹金該故營長前記名總兵何東來在職每月俸給一百五十元歷年列冊咨部有案茲既以死勤事核與延年錢溯瀾等情形相同可否給予一次卹金以昭激勸理合據情咨請貴局查核轉奏等因到局查該故員何東來係前清記名總兵現任營長職務能否比照陸軍平時卹賞章程給卹之處應請貴部查核辦理等因到部查原咨該故員何東來在工効力三十餘年每遇防汛搶險辦理悉合機宜平時修防工程亦有成效可觀即自民國元年迄今四載該營在王莊柳樹坡等處迭出巨險均賴該故員搶辦得力轉危爲安實係在工積勞病故等語臣部覆核無異查前河南河防局支隊長姚亮在工積勞病故係由臣部按上尉階級照陸軍卹章議給一次卹金呈奉 批准在案此案事同一律擬請照陸軍平時卹賞簡章第四條立功後積勞病故給卹之規定按該故員何東來營長原職比照少校階級依卹賞表第二號給予一次卹金三百五十元以示優異而資觀感是否有當理合恭摺具陳伏乞 皇帝陛下聖鑒訓示遵行謹 奏

政事堂奉

批令准如所擬給卹此令

政事堂印

洪憲元年二月十日

國務卿陸徵祥

兼署奉天巡按使段芝貴奏援案設立政治研究所擬定章程規則摺

奏爲援案設立政治研究所擬定章程等項謹繕清單恭摺仰祈 聖鑒事竊維立國以政治爲本行政以人才爲先知事一官按照縣官制之規定爲地方政令所自出理繁處劇整俗安民果治術日見其修明斯國基自臻於鞏固甄擇亟宜審慎作育尤貴及時茲查分發到奉之縣知事已達二百餘人原充差缺暨陸續任用各員爲數百餘此外皆暫難位置既少歷練之地易敢奔競之風以奉省今日之內政外交備極繁要地方重任詎能用失其人查陝西直隸山東河南各省均經具報設立吏治等研究所爲分發人員講求政學之地裨益自匪淺鮮奉省邊陲扼處具有特別情形不能與各省相提並論言政務則民生困苦休養爲難蒙界毗連撫綏匪易文風樸樸興學應立規程幅幘縱橫經界正資釐定百端待理頭緒紛繁言時事則新約履行辦事牽掣雜居租地開礦興農必須先事圖維始免臨時踟躕凡屬庶政之張弛動緊國際之觀瞻各知事職務綦繁責效亦極嚴切此項分發人員迭經考察或係學有專長未諳此邦之事實或係夙有經歷未知現勢之轉移自非援案設立研究所不足以宏造就而資展布當經切實籌議妥訂章程勘定省垣適中之地前承德縣署官房一所量加修葺設立奉省政治研究所該所爲人才薈萃之處必須有聲望夙著之員始克總理其事查有臣署高等顧問高凌霨學識淵深才猷闊達歷任前湖北提學使布政使整飭學風振興吏治政聲所播卓絕一時民國以來轉任直隸財政司長與利剔弊尤有盛名現聘充高等顧問遇事贊襄洞中肯綮跡其治行之昭著經驗之宏通實越等倫堪以派充該所總辦以資督率核定課程八門爲交涉財政警察司法教育實業自治蒙務而分別附以商埠經界保衛團交通壘務等項係屬奉省地方所需要端賴該主管長官隨時指導當派政務廳長金世和遼瀋道尹榮厚特派交涉員馬廷亮財政廳長張厚璟高等審檢廳長沈家彝梁載熊警務處長張宏周爲會辦凡中央公布各法令本省現行章規約章成案以及政法諸書選刻購置維詳雜備遴派巨署掾屬暨各廳署熟諳章制人員充任講述主任析疑辨難各有專司並以分發縣佐有助理知事之責亦准一併入所藉資學養業於上年十二月一日開辦先後報名核准入所者計九十餘員委缺任差均擬取材於此且期以崇尙實學增擴新知爭自濯磨不復操進由是出占顯邑派辦要差舉措自協事

機建樹亦有憑藉於奉省吏治前途不無裨補惟該所開辦伊始悉心布置經備規模近來庫帑艱難因在皆力崇儉節房屋一項該處原有七十餘間廢棄過久盡屬傾圮不得不添蓋補修冀敷應用並酌備學員寄宿用便考核所需工料再四核減共用洋三千三百餘元一切設置器具等項用洋二千五百餘元圖書印刷雜支用洋一千五百餘元統計用洋七千五百餘元委無冒濫該所經常費並經妥為規定總會辦各主任等不支俸津其分發各員大率為貧而仕現既專心嚮學進情酌理自應仿照直隸等省成案略予補助擬定月各給津貼洋十六元如有在省供差者概不給與合之所內職員俸薪役食與辦公各費每月定為一千九百餘元實屬減無可減已暫在官銀號借墊支給前項開辦費十二月分經常費應請照撥歸入四年度決算案內列銷自本年一月起經常費照數追加懇乞 天恩特予照准至該所成立以後經臣督飭總會辦等切實經理各學員講求治講成就裁成當為衡量以宏獎拔冀副 朝廷整飭官方之至意除將計算預算書分咨內務財政部開辦支出單據咨送審計院外所有援案設立政治研究所緣由理合繕具章程規則課程書目恭摺具陳伏乞 皇帝陛下聖鑒訓示謹 奏

政事堂奉

批令准如所擬辦理交內務財政兩部暨審計院查照單並發此令

政事堂印

洪憲元年二月十日

國務卿陸徵祥

兼署奉天巡按使段芝貴片奏整飭吏治大概辦法摺

再奉省地方情形特殊最難辦者交涉而其他政治亦多與交涉有關臣設政治研究所其所以課程分為八門而必與之孜孜講求治術又多刊發本省現行一切章程規則者蓋欲其知交涉為奉省之交涉國家之時

勢不可不知國家所處之地位不可不知南滿東蒙外人爲何注意何爲佔我實業侵我警察觀我司法我如何而後可以正經界興墾務以養民整頓保衛團講求自治以禦亂以及全省財政如何可以裕國而不病民俾全省一切政治可以進行而無滯凡此皆課程中極應研究而臣接見各知事所以勗勉者亦即在此也臣到任四月有餘於各縣原任及現署知事不肯輕於更動一以在任之知事能久任方展其所長新到省之知事非磨礪有素不可輕於一試南滿沿綫之縣屬非稍知外情者不能與外人相處而盜匪最熾之地則必需幹材其他蒙旗各地外人多往勾結其已經在任能熟習蒙情雖吏治稍遜亦姑因其人地相宜暫不更動尙有因與地方軍隊感情融洽而地方賴以無事者亦不另易其人計臣到任至今更換知事不過數人其中辭職者一員升任者一員被控者二員捕務廢弛奉公不力者各一員此外則仍舊而已大抵臣之甄用各知事重經驗而老吏巧滑者則不取重熟習本省情形而素有劣迹者則屏棄至於甫經考試到省之知事以前未經得差署缺者則先以簡缺委署或發充各縣承審員或委之清理各縣積案或委查要案以覘其才識臣署執法處爲一審判盜匪重要機關遇有疑難要案揀員幫審藉以歷練現將大舉清鄉拔其精幹之才使之分往各縣辦理並畀以整頓警察保衛團之權襄助各知事以分其勞如此則將來委之出身臨民就本省之經驗作本省之官吏恢恢乎有餘矣此臣數月來整飭吏治之大槪辦法其所以不敢輕於舉劾者以試驗未久考核未真應舉者未必爲真才應劾者尙可裁就也精而不刻嚴而能恕此又臣之兢兢自勉而期於用人行政稍有裨益耳是否有當理合附片具陳伏乞 聖鑒訓示謹 奏

政事堂奉

批令據陳各節具見勤求吏治辦事認真交內務部查照此令

政事堂印

洪憲元年二月十日

國務卿陸徵祥

兼署奉天巡按使段芝貴奏縣知事張日睿等到省一年期滿照章甄別摺(附單)

奏為縣知事到省一年期滿照章甄別謹繕清單恭摺仰祈 聖鑒事竊查前准內務部咨送縣知事甄別章程有到省甄別一項內開凡分發任用之縣知事應自到省之日起扣滿一年由該長官認真考核出具切實考語具報等因歷經遵辦在案茲查有分發奉天任用縣知事張日睿等二十六員均據先後到省業已扣滿一年經臣逐加考核均堪留於奉天分別照章補用謹按名出具切實考語繕單恭呈 御覽其得有勳章例免甄別員名並於單內附陳以資查核至到省已滿一年現署縣缺人員正在悉心考察應請另案辦理除咨內務部銓叙局外所有甄別到省縣知事緣由理合恭摺具陳伏乞 皇帝陛下聖鑒訓示謹 奏

政事堂奉

批令悉交內務部查照並由政事堂飭銓叙局查照單並發此令



洪憲元年二月十日

國務卿陸徵祥

謹將到省已滿一年之縣知事出具考語繕單恭呈

御覽

計開

- | | | | |
|---------------|------|----------------|------|
| 張日睿三年八月三日到省 | 究心治理 | 鍾繼昌三年八月三日到省 | 樸實耐勞 |
| 虞明武三年八月七日到省 | 辦事勤能 | 褚德言三年九月二十一日到省 | 諳悉外交 |
| 吳贊詔三年十一月十六日到省 | 任事勤謹 | 林豐三年十一月十六日到省 | 熟悉墾務 |
| 富恩霖三年十一月十六日到省 | 長於理財 | 富維清三年十一月十六日到省 | 聽斷勤明 |
| 張德恆三年十一月十七日到省 | 熟悉警務 | 車之鑑三年十一月二十三日到省 | 長於聽斷 |

繆 篆三年十一月二十七日到省 學術精通 何煥典三年十一月三十日到省 長於交涉

張勳年三年十一月三十日到省 穩慎老成 葉開寅三年十二月八日到省 辦事勤謹

俞鳳翔三年十二月二十二日到省 才長心細 文 光三年十二月二十二日到省 才識優長

黃樹愷三年十二月二十二日到省 長於法學 汪 翔三年十二月二十四日到省 法學精通

王 浣三年十二月二十五日到省 性情樸實 喬景勳三年十二月二十六日到省 勤求治理

王衍濱三年十二月二十六日到省 樸實老成 薛葆茹三年十二月二十八日到省 留心自治

鞏思溫三年十二月二十八日到省 端詳不苟 王澤永四年一月三日到省 學術通雅

彭承苞四年一月十一日到省 辦事勤能 韓耀堃三年四月二十日到省 年富力強

佟世榮三年十一月二十六日到省曾受六等嘉禾章

謝蔭昌三年十二月二十四日到省曾受四等嘉禾章

署浙江巡按使屈映光片奏長興縣知事黃贊元擄獲鄰境盜犯請照例給獎摺

再查民國四年十月間據長興縣知事黃贊元詳報緝獲劫安徽廣德縣楊柳橋地方雲恆豐等店拒傷店

夥李廷振案內盜匪謝么即謝繼成一名解送廣德縣訊辦等語當經詳飭錢塘道尹丁傳紳轉飭咨查該

盜訊辦情形詳覆察核去後茲據該知事黃贊元詳覆咨准廣德縣訊明鈔錄供判請予察核前來查核全案

該犯謝么即謝繼成實係行劫廣德縣屬雲恆豐等店拒傷店夥之夥盜業由廣德縣知事訊供屬實詳經正

法在案該知事黃贊元擄獲鄰境盜犯實屬緝捕勤能核與知事獎勵條例第十一條第二項獎勵相符合無

仰懇 天恩俯准將浙江長興縣知事黃贊元照例給獎以資鼓勵出自 鴻施除咨明內務司法各部

外理合附片具陳伏乞 聖鑒訓示謹 奏

政事堂奉 批令交內務部照章核獎此令

政事
堂印

洪憲元年二月十日

國務卿陸徵祥

福建巡按使許世英奏陳明福建省民國四年分各縣秋收分數繕具清單請訓示摺(附單)

奏爲陳明福建省民國四年分各縣秋收分數恭摺具陳仰祈 聖鑒事竊前准財政部咨開收成分數與考成及災蠲均有關係鈔錄前清戶部則例題奏收成第一第二兩條作爲暫時辦法通行查照等因查則例內載直省收成分數彙齊通省分別夏收秋收兩疏題報等語閩省四年夏收分數經 呈報並通飭各屬將秋收分數按章依期報由財政廳彙核轉詳各在案茲據財政廳廳長王家儉詳送各屬四年秋收分數表前來臣細加覆核全省六十二縣中惟屏南金門漳浦詔安武平等五縣或因颶風爲患或因雨澤愆期致收成歉薄其餘五十七縣土性肥瘠間有不同收數多寡亦未能一律綜計全省最高收成八分最低收成二分而以六分七分爲多數平均核算實得六分一釐七毫酌盈劑虛尙稱平稔現在穀價尙不奇昂民食可免匱乏堪以上紓 厪念除咨陳內務財政兩部外所有福建省民國四年分全省收成分數緣由理合恭摺具陳伏乞 皇上聖鑒訓示施行謹 奏

政事堂奉

批令悉交內務財政兩部查照單並發此令

政事
堂印

洪憲元年二月十一日

國務卿陸徵祥

謹將福建省民國四年各縣秋收分數開具清單恭呈

御覽

閩侯縣七分 長樂縣六分 福清縣六分七釐五毫 平潭縣五分 連江縣五分九釐 羅源縣七分
 古田縣六分 屏南縣四分七釐五毫(該縣因夏秋之間天氣乾旱是以收成歉薄計僅四分有餘)
 閩清縣七分 永泰縣六分 莆田縣七分 仙遊縣六分一釐 晉江縣五分七釐五毫 思明縣六分
 南安縣五分 惠安縣七分一釐 同安縣五分 金門縣二分(該縣詳報夏秋之間雨水稀少天氣
 乾旱收成歉薄僅有二分) 安溪縣五分六釐 龍溪縣五分五釐五毫 漳浦縣三分二釐二毫(該
 縣詳報入秋以來雨澤愆期禾稻枯槁以致收成歉薄) 雲霄縣五分 海澄縣六分三釐 南靖縣八
 分 長泰縣五分一釐七毫 平和縣五分七釐 詔安縣三分八釐五毫(該縣詳報入秋以來天氣乾
 旱後雖得雨又遭颶風是以收成歉薄計僅三分有餘) 南平縣七分三釐二毫 順昌縣七分一釐
 將樂縣七分 沙縣五分五釐 尤溪縣五分五釐 永安縣七分七釐 建甌縣六分五釐 建陽縣
 七分二釐五毫 崇安縣七分一釐 浦城縣七分 松溪縣七分七釐 政和縣六分 邵武縣六分九
 釐二毫 光澤縣六分二釐五毫 建寧縣六分三釐 泰寧縣六分 長汀縣六分(該縣詳報北鄉被
 水成災收成歉薄其餘各鄉秋收尙稱中稔平均分數計有六分) 寧化縣七分二釐 清流縣六分一
 釐 歸化縣六分 連城縣六分 上杭縣六分一釐 武平縣四分五釐(該縣詳報入秋以來雨澤稀
 少田禾乾枯後雖得雨又遭颶風是以歉收) 永定縣五分九釐二毫 霞浦縣五分七釐五毫 福鼎
 縣六分六釐 福安縣七分五釐 寧德縣六分五釐 壽寧縣六分八釐 永春縣六分八釐七毫 德
 化縣八分 大田縣七分 龍巖縣六分 漳平縣六分 寧洋縣七分
 總共以上共實收分數平均六分一釐七毫餘

福建巡按使許世英奏清流縣屬被水田畝勘未成災毋庸蠲緩情形恭摺祈鑒摺

奏爲報明清流縣屬被水田畝勘未成災毋庸蠲緩情形恭摺具陳仰祈 聖鑒事竊據汀漳道道尹孫世
 偉詳稱據清流縣知事李嘉臨委員柳汝億詳稱竊縣轄田口各鄉前遭水患業經委員等覆勘詳報請款賑

濟旋奉批准撥給銀元六百元餘即妥爲撫卹並造具賬款清冊連同計算書收據詳送核辦所稱田畝損失無多本年錢糧請仍舊徵收一節應將詳細情形會詳核轉以憑分別咨等因奉此查此案先據縣轄田口廖屋坪賴坊官坊東山下水東秋口磯頭各鄉先後稟報各該鄉於陰曆五月二十三至二十六暴雨三日南北兩河夾湧水漲數丈坡圳衝崩房屋倒塌秋苗概被淹沒請詣勸施賑等情到縣當經知事嘉臨親詣各鄉逐一查勘被災屬實即經捐俸二百元分別受災輕重接鄉施賑並督同紳董將沖倒橋梁坡圳逐處修整被淹田禾設法灌溉以資補助一面具文詳報旋蒙鈞尹飭委員汝僊到縣復經會同知事嘉臨馳往災區詳細覆勘並將覆勘情形會同詳覆在案委員等伏查此次被災各鄉以賴坊磯頭秋口三鄉爲最重田口水東廖屋坪三鄉爲次重東山下官坊二鄉爲最輕計賴坊一鄉倒塌房屋十餘所一家之內倒塌房屋一二間者共七間被淹田畝水退後設法灌溉夏季尚可收成者約在四分以上磯頭一鄉沖沒房屋四十八所沖倒三十五所水退後續行倒塌九所一家之內倒二三間者共七間夏季收成約在五分以上秋口房屋倒塌三所破壞一十三所水退後續行倒塌九間夏季收成約在六分以上受災次重之田口鄉房屋倒塌三百零間秋禾收成約在六分以上水東鄉房屋沖倒三十七所秋禾收成約在七分廖屋坪石坡橋梁多被沖倒近山田畝已將亂石起移仍可照常耕種東山下官坊受災頗輕近溪田畝水退後均可播種房屋水後倒塌共有五間查此次被災各鄉房屋倒塌較田畝損失爲多蓋田畝被水事後尚可設法補救房屋沖倒非措資建築無所棲止綜核被水各鄉除房屋倒塌已分鄉詳叙外其田禾被水者調查夏季收成約在五分以上秋季收成已在六分以上現蒙巡按使發給賑款銀元六百元業經按照受災輕重酌量支配分發各該鄉理事紳董承領分發賑濟目下查勘各鄉沖倒房屋現正次第修整人民可免流離失所之虞而被水田畝均已照常耕種秋收亦已次第收成堪以仰紓鈞厪委員等察看情形被水各鄉田畝均已照常耕種擬請本年錢糧仍照款收辦法照舊徵收似可毋庸蠲緩即徵集各鄉紳耆意見亦均一致贊同合將本年錢糧毋庸蠲緩緣由具文會詳察核俯賜轉詳等情據此查該縣田口各鄉田畝雖經被水均未成災且紳耆意見亦以本年錢糧堪以照

舊徵收毋庸蠲緩似應准予照辦理合據情轉詳察核等情到署查清流縣屬賴坊各鄉被水一案前據該縣知事詳報經臣呈明奉 批令交部查照復經臣飭道轉催該縣知事委員從速會勘在案茲據該道尹遵飭詳覆前來臣細加覆核該縣賴坊各鄉被淹田畝水退後均可照常耕種雖夏收稍歉而秋收六分以上尚平穩至沖壞房屋現已次第修整被災貧戶經該縣知事會同委員分別輕重發款賑濟亦可免流離失所之處所稱本年錢糧毋庸蠲緩紳耆意見一致贊同尙屬實情堪以上慰 厯念除批示並咨陳內務財政兩部外所有清流縣屬賴坊各鄉勘未成災毋庸蠲緩情形緣由理合恭摺具陳伏乞 皇上聖鑒訓示施行 謹 奏

政事堂奉

批令悉交內務財政兩部查照此令

政事堂印

洪憲元年二月十一日

國務卿陸徵祥

蒙藏院奏報外蒙貢使車臣汗那旺那林等抵京日期摺
奏為奏明事竊外蒙博克多哲布尊丹巴呼圖克圖汗暨達吉尼母派司法長車臣汗那旺那林兵務副長額爾德尼郡王扎木查多爾濟等進京恭送貢品前經駐紮庫倫辦事大員陳葆奏明在案茲該車臣汗等已於本月六日由張家口抵京除由臣院妥為招待外理合具奏陳明伏乞 皇帝陛下聖鑒謹 奏

政事堂奉
批令悉此令

政事堂印

洪憲元年二月十日

國務卿陸徵祥

呼倫貝爾副都統勝福等奏報啟用印信日期并感謝恩施摺

奏為呈報啟用印信日期恭摺仰祈 聖鑒事竊伏查本年十一月十六日准內務部派都尉常耀奎齎送簡補副都統文一件銀印一顆當即謹敬收訖旋將擇期啟用緣由電達內務部在案於洪憲元年一月二十四日恭設香案望 闕叩頭伏思呼倫貝爾地當衝要加以鐵路穿行五方雜處內政外交事務紛繁勝福車和雅等才能隨陋知識薄淺當此重任何勝悚惶惟有勉竭愚誠以期圖報於萬一謹將啟用印信緣由恭摺具陳伏乞 聖鑒訓示謹 奏

政事堂奉

批令悉此令

政事堂印

洪憲元年二月十日

國務卿陸徵祥

雙絲柳條綢
 各種菓子汁
 蛋白 蛋黃
 菓子露
 木耳
 鴨蛋黃
 各種罐頭食物
 蜜餞菓脯 各種罐頭水菓
 醬菓
 圓魚膠
 花被面
 大羊毛地毯
 棉布 提花掉毯 栽絨馬机 栽絨椅墊
 棉紗
 線襪
 染色標本
 手幅提花支綢
 湖絲長襪
 短襪
 摹本緞
 白紡綢 白湖縐
 加寬山絲綢
 花邊文明手巾及文明巾
 絲線織花女襪及絲線襪
 彩線彩絨
 小爾綢
 椿綢

奉天瀋陽監獄
 天津鴻興汽水公司
 揚州同裕蛋廠葉采南
 北京廣生行
 漢口榮豐茂
 泗陽縣宏昶
 天津留芬錦記罐頭公司李誠三
 北京正泰號
 山東濟南遠香齋
 臨海何順昌號
 直隸寧河縣工藝學校
 山東歷城監獄
 山西太原監獄
 江蘇丁一飛
 浙江杭縣監獄
 杭州振綸染工場
 山西積慶織工局
 北京華興公司
 江蘇吳縣程裕源
 河南南陽恒生明北記 韓銘勳
 河南密縣孫隨
 江蘇盛澤錢榮桂
 浙江平湖沈硯田陳紫芹
 鍾祥縣傅義興
 山東鄒縣張丕矩
 山東鄒縣朱振九

政府公報 示

二月十六日第四十一號

黑縐紗包頭 白衣線
榕綢

乾製海蜇皮

甘肥頭糖

各種紙包糖菓

甘肥頭糖

火腿

麵粉

各種菓露糖

粉絲

紅蹄蹄筋

芝麻菓子油等

花生油

蜜餞

滑石

硫磺

煙煤

明煤

五色煤

石印石

火硝

醬菜麪醬

茶磚

白牡丹奇種茶
南山壘種白毛茶
各色茶

漢口葉福泰
山東昌樂馮國治

平湖三興生行

哈爾濱華泉湧

哈爾濱德泰祥

哈爾濱永順和

哈爾濱鴻慶福

江蘇如皋協成

北京貽來牟
天津老茂生糖坊

煙台吳義常

楓涇丁義興

江蘇孫義隆

江蘇何逢生

北京聚順和

奉天公益公司

山西王封山礦公司

廣西煤錫公司

奉天大業公司

雞鳴山鑛局

山西上黨工廠

山東陳潤生

奉天瀋陽監獄

福建致和公司
福建建興公司
廣西寶華公司
福建文通茶行

公電

籌備國民代表大會事務局致各省將軍巡按使熱河綏遠察哈爾都統各護軍使各鎮守使電

各省將軍巡按使熱河綏遠察哈爾都統各護軍使各鎮守使鑒本局此次籌備國民代表大會悉依國民代表大會組織法之規定辦理所有與各監督往來文電均確遵法律不越範圍并隨時送登政府公報本局爲法律上籌備機關業於上年十月十二日呈報籌備進行辦法文內聲明此後國民代表大會之組織既爲國家大法所明定則國民代表之如何選舉亦即爲國家大政之所關國家大政應依法定標準而行所有法定籌備機關及法定監督機關如何執行法律悉應以官文官電爲準此外報紙揭載若於國民代表大會有關事件除係照登業經宣布之官文官電外其或得諸傳聞或出諸懸揣苟有與法定辦法不符之處在各該報紙即無故淆觀聽之心而事關國家根本大計似未便任其訛以傳訛致與代行立法院格外審慎之情有違擬請在國民代表大會籌備進行期內除國民代表大會組織法當然遵守外即組織法所未備者亦以法定之籌備機關監督機關依法發布之官文書爲準其不在法律範圍內者各報章如有登載錯誤之處即由各監督轉飭地方官署隨時查明更正等因復於上年十月十六日諫電將上項辦法通電各監督長官又於上年十月十七日篠電以國民代表大會組織法公布以後之私人函電如果在法律範圍之內本非絕對不可採用惟此事既係依法辦理則無論如何運用終不能大遠於立法之精神本局開辦之初即有鑒於此曾經呈明 大總統略稱組織法公布以前之種種議論均以組織法爲歸宿組織法公布以後之種種辦法一以組織法爲標準等因通電各監督長官聲明迅速依法籌備各在案乃自滇事發生後竟有假託本局名義或其他箇人名義捏造電報送登各報者聞之不勝駭異查本局電報上年十月間既已通電聲明以依法發布之官文書爲準此項捏造電報係在原呈所謂不在法律範圍內者之列亟應通電再行聲明應請各貴監督轉飭地方官署遵照上年通電查明更正以免誤會總之國民代表大會事關國家根本大計各省各特別行政區域監督長官依法辦理既爲地方人民所共見即非一紙電報所能私況各縣初選當選人選舉之調

查審查其舉辦時期確在國體請願事件尚未發生以前各該初選區域但有舞弊違法之事本局無不立予依法糾正全案多已載諸政府公報豈能指為預有操縱之心迨籌備國民代表選舉期內凡所謂依照法定程序及確依法律範圍之電幾於日有數起當其時舉國人心望治若渴汲汲於早定國是或尙不免有以本局拘文牽義爲本局詬病者觀過知仁則本局執行法律之苦衷即可以拘牽而證明其尊重而謂本局敢於法律範圍以外有所行動耶現在各省各特別行政區域籌辦國民代表選舉投票各項實在情形業准先後咨報冊報到局除另案撮要奉聞外特此通電籌備國民代表大會事務局覃印

大理院覆直隸高等審判廳電（統字第二百八十四號）附來電

直隸高等審判廳鑒宥電悉當事人於判決後仍請續審者應由該廳依法辦理如僅係誤解程序並非不願上訴而遞狀又在上訴期間內者按照先例准由廳指令補具上告狀照章送院大理院鈞鑒
洪憲元年一月二十九日

附直隸高等審判廳來電

大理院鈞鑒法密審判長於宣告辯論終結時許訴訟人提出追加理由書後定期宣判當事人因不到庭並不受理詞亦不肯上告請求續開辯論者應否即認該請求爲上告或抗告之聲明逕送上訴衙門裁判以圖救濟而昭折服案關交涉祈解釋速覆直高審廳宥印
元年一月二十六日

判詞

文官高等懲戒委員會議決書四年第一百六十八號

被付懲戒人 李國鈺代理清鎮縣知事

右被付懲戒人因辦案失入一案由署貴州巡按使呈交懲戒本會審查議決如左

主文

褫職並奪其官 非滿八年不得開復 私罪

事實

民國四年十月十一日准政事堂函開奉

大總統發下署貴州巡按使龍建章呈代理清鎮縣知事李國鈺辦案失入擬請依法交付懲戒文一件奉

批著交文官高等懲戒委員會依法議處等因查原呈聲稱代理清鎮縣知事李國鈺審理盜案於正犯陳興

順並不依法審判詳候執行乃竟擅用職權將該犯處以槍斃據報拒捕格殺復將嫌疑犯曹榮昌嚴刑逼供

妄擬極刑迨經巡按使批駁派員會審該知事與委員復遷就原供仍處以二等有期徒刑除委員鄭紹孟情節較輕已酌記大過二次外該知事承審不實故入人罪實非尋常疏忽可比云云

理由

此案貴州代理清鎮縣知事李國鈺承審盜案擅將正犯槍斃據報拒捕已屬違法乃復刑訊嫌疑入犯逼取

供招故入人罪尤為異常謬妄按照縣知事審理命盜案件懲戒規則該知事認為應受褫職並奪官處分非

滿八年不得開復並事涉刑事應提交法庭訊辦特為議決如右

中華民國四年十一月十二日

委員長錢能訓

委員汪鳳瀛缺席

文官高等懲戒委員會議決書四年第一百六十九號

被懲戒人

趙慶華已撤津浦鐵路局長

葉道繩已撤津浦南段處長

右被付懲戒人因肅政史糾彈一案經平政院裁決呈奉

批令交會懲戒本會審查議決如左

主文

趙慶華褫職並奪其官非滿六年不得開復(私罪)

葉道繩減俸六箇月三分之一

事實

民國四年十月二十四日准政事堂函送奉 大總統申令前據都肅政史莊蘊寬等以津浦鐵路積弊多端亟應整頓呈經特派王瑚等調查報告當交平政院依法審理茲據審明裁決呈覆察核所擬尙屬允當已撤該路局長趙慶華雖無朋開公司侵吞路款實據惟為商人詳訂合同於公司運貨賬款遲不催繳脚力收支全數及南段軍事報銷均任意久延且用人太濫賞罰不公廢弛路政濫發免票均屬咎有應得已撤南段處長葉道繩於路員聚賭挾妓不知約束亦屬不合趙慶華葉道繩均著交文官高等懲戒委員會懲戒等因並將原案鈔送到會本會詳核原裁決書所列事實認為審查無異

- 委 員汪燦芝
- 委 員余榮昌
- 委 員孫培堯
- 委 員余紹宋
- 委 員達壽
- 委 員盧弼
- 委 員賀兪

理由

此案津浦路局長趙慶華有管理該路之責應如何潔己奉公擴清積弊乃到任未久即為匯通公司詳轉推廣全路最有益之合同運貨計賬之款任憑洋賬房送單遲延不加催繳脚力收支全數及兩段軍事報銷事隔數年經平政院行查後方始和盤托出並有用人大濫賞罰不公廢弛路政濫發免票情事實屬違背職守義務認為應受褫職並奪官非滿六年不得開復之處分兩段路長葉道繩於本段路事各員不知約束致有在公廨旅館聚賭挾妓情事馭下不嚴亦屬難辭其咎認為應受減俸六箇月三分之一之處分特為議決如右

中華民國四年十一月十二日

- 委員長錢能訓
- 委員汪鳳瀛 缺席
- 委員汪燦芝
- 委員余榮昌
- 委員孫培差
- 委員余紹宋
- 委員達壽
- 委員盧強
- 委員賀愈

文官高等懲戒委員會議決書四年第一百七十號

被付懲戒人 許熙霖 卸任新疆烏什縣知事

右被付懲戒人因浮收草折銀兩一案經新疆巡按使電呈交付懲戒本會審查議決如左

主文

褫職並奪其官 非滿六年不得開復 私罪

事實

民國四年十月六日新疆巡按使楊增新電呈稱竊查新疆額草折色前清光緒年間每百斤折徵銀五分謂之例價至宣統年間因籌增政費定爲每草百斤折徵銀五錢又另捐自治經費銀五錢謂之草捐通計每草百斤實徵銀一兩較之光緒年間已加增二十倍民力實已不支乃卸任烏什縣知事許熙霖在任時徵收三年分草折每百斤折收銀一兩二錢五分每百斤實浮收二錢五分已據委員戴光華查明屬實並取具鄉紳甘結詳報前來查許熙霖居官聲名最劣現已查明浮收有據應請將該卸任烏什縣知事許熙霖交文官高等懲戒委員會從嚴懲戒仍由增新派員復查究竟該員浮收入已贖款共計若干再行呈請照例核辦等語理由

此案卸任新疆烏什縣知事許熙霖徵收草折銀兩每百斤浮收銀二錢五分實屬違法殃民核與知事懲戒條例第六條第四款第十七款相符認爲應受褫職並奪官處分非滿六年不得開復之處至額外浮收涉及刑事範圍應提交法庭訊辦特爲議決如右
中華民國四年十一月十二日

- 委員長錢能訓
- 委員汪鳳瀛 缺席
- 委員汪熾芝
- 委員余榮昌
- 委員孫培差
- 委員余紹宋
- 委員達壽
- 委員盧弼
- 委員賀俞

●通告

交通部通告第二號

為通告事准外交部咨開准駐英施公使函稱准英外部一月十一日函開 Camerons 海岸前於上年四月二十三二十四中夜封禁茲已將自 Akwafafe River 至 Bimbila Creek 一帶開禁惟自 Denge mouth of the Saraga River 至 Campo 一帶仍舊封禁請轉達中國政府云云應即函達等語咨請查照等因前來除咨行稅務處轉飭所屬知悉外特此通告以便週知

洪憲元年二月十二日

大理院民二庭公開審判案件日時通告

- 本院民二庭一月十四日星期五午後二時公開審判案件如左
- 一 陸徐佑與陸官氏等因繼承涉訟不服江西高等審判廳第二審判決聲明上告一案(宣告判決)
 - 一 王徐氏與王鏡氏因承繼涉訟不服江蘇高等審判廳第二審判決聲明上告一案(宣告判決)
 - 一 余端與余杰因欠款涉訟不服江蘇高等審判廳第二審判決聲明上告一案(宣告判決)
 - 一 朱高選等與盧慈妻等因買賣地基及房屋涉訟不服湖南高等審判廳第二審判決聲明上告一案(宣告判決)
 - 一 張立夫等與阮賜臣因買賣田土涉訟不服湖北高等審判廳第二審判決聲明上告一案(宣告判決)
 - 一 袁同春與陳敦五等因佃房涉訟不服四川高等審判廳第二審判決聲明上告一案(宣告判決)
 - 一 楊萬有等與王善臣等因地畝涉訟不服奉天高等審判廳第二審判決聲明上告一案(宣告判決)
 - 一 劉仁祿與廣信公司因分配紅利涉訟不服黑龍江高等審判廳第二審判決聲明上告一案(宣告判決)
- 大理院刑一庭公開審判案件日時通告
- 本院刑一庭一月十五日下午二時公開審判案件如左
- 一 上告人貴州高等檢察廳檢察官對於同級審判廳就李慶雲等違法稅契及詐欺取財之所為第二審判決不服上告一案(宣告判決)
 - 一 上告人李勝慶等對於湖南高等審判廳就李勝慶等強姦之所為第二審判決不服上告一案(宣告判決)
 - 一 上告人夏廣運對於安徽高等審判廳就夏廣運強姦未遂之所為第二審判決不服上告一案(宣告判決)
 - 一 上告人范惠亭對於奉天高等審判廳就范惠亭殺人賂誘和姦賭博及吸食鴉片之所為第二審判決不服上告一案(宣告判決)
 - 一 上告人楊得山等對於直隸高等審判廳就楊得山等行使偽造貨幣之所為第二審判決不服上告一案(宣告判決)
 - 一 上告人符亞新對於廣東高等審判廳就符亞新竊盜之所為第二審判決不服上告一案(宣告判決)

政府公報 通告

二月十六日第四十一號

- 一 上告人雲南高等檢察廳檢察官對於同級審判廳就姜光文強姦之所為第二審判決不服上告一案(宣告判決)
- 一 上告人凌石帶對於廣東高等審判廳就凌石帶損壞監獄盜取囚犯之所為第二審判決不服上告一案(宣告判決)
- 一 上告人梅選壽等對於江西高等審判廳就梅選壽等侵佔之所為第二審判決不服上告一案(宣告判決)

大理院刑一庭公開審理案件日時通告

- 本院刑一庭一月十八日午後二時公開審理案件如左
- 一 總檢察廳檢察長對於山西礦口蓋局委員許善田家會製驗局委員張廷儒等犯賊收賄及販賣吸食鴉片煙之所為提起公訴一案(審理)

大理院民一庭公開審判案件日時通告

- 本院民一庭一月十七日星期一午後二時公開審判案件如左
- 一段忠良與楊五九因妻女爭執不服安徽高等審判廳第二審判決聲明上告一案(宣告判決)
- 一段忠良與程方來因兒子爭執不服安徽高等審判廳第二審判決聲明上告一案(宣告判決)
- 一 劉水泉與秦洪福因合夥餘利爭執不服江蘇高等審判廳第二審判決聲明上告一案(宣告判決)
- 一 蔡元鎮與鄭夢元因債務涉訟不服浙江高等審判廳第二審判決聲明上告一案(宣告判決)
- 一 莫蔡氏與王李氏因錢款涉訟不服貴州高等審判廳第二審判決聲明上告一案(宣告判決)
- 一 陳雨田與潘禹門因房產涉訟不服廣東高等審判廳第二審判決聲明上告一案(宣告判決)
- 一 汪祖培與徐晉生因基地涉訟不服江蘇高等審判廳第二審判決聲明上告一案(宣告判決)
- 一 趙李氏與趙德魁因扶養費涉訟不服河南高等審判廳第二審判決聲明上告一案(宣告判決)
- 一 冀紹榮與張鼎梅因債務涉訟不服山西高等審判廳第二審判決聲明上告一案(宣告判決)

大理院刑二庭公開審判案件日時通告

- 本院刑二庭一月十七日下午二時公開審判案件如左
- 一 上告人趙錫堂等對於直隸高等審判廳就趙錫堂等偽造貨幣之所為第二審判決不服上告一案(宣告判決)
- 一 上告人鄧晉安對於四川川東高等審判廳就鄧晉安偽造私文書之所為第二審判決不服上告一案(宣告判決)
- 一 上告人林桂一對於京師高等審判廳就林桂一妨害信用之所為第二審判決不服上告一案(宣告判決)
- 一 上告人白汝珩對於山東高等審判廳就白汝珩殺人之所為第二審判決不服上告一案(宣告判決)
- 一 上告人袁長澄對於江蘇高等審判廳就袁長澄和姦和誘之所為第二審判決不服上告一案(宣告判決)
- 一 上告人葉文茵對於浙江高等審判廳就葉文茵賭博之所為第二審判決不服上告一案(宣告判決)
- 一 上告人張伯崑對於湖南高等審判廳就張伯崑詐欺取財之所為第二審判決不服上告一案(宣告判決)

廣告

籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應聽解決於全國國民特議設立正大之機關以徵求真確之民意於是國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲並據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特撮舉大要通告國民查全國國民請願之始其請願書多至百起以上論其地則自二十二省各特別行政區域蒙回青海西藏以及海外僑民論其人則學士大夫農工商實業以及各項公會團體雖請願之理由言人人殊而其懲既往之流失怵將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不免等君父於路人倫紀蕩然國將焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此從倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶若元首首可自齊民選出將人懷可取而代之心權利競爭禍將靡底此從治本論之而知共和之不宜於我國者也又謂國家創業垂統肇始義軒數千年歷史相承君統未嘗中絕即在羣雄割據之時而正統偏安猶待史家論定凡以明一日不可無君之義即可知四海依賴一人之殷改革以來羣龍無首變故迭生邦基隄杌賢智者日夕憂疑椎魯者莫知所措設更委心任運恐不免神州陸沉此從歷史論之而知共和之不宜於我國者也又謂歐洲各共和國區域均不甚廣北美例外已近聯邦

我國方里四千萬而且五族各異其性南北各異其宜苟中央權力稍輕則四境難施統馭以數千年五族一家之偉大民族豈可令其豆剖瓜分此從地理論之而知共和之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生齟齬之亂中原鼎沸生民塗炭勞師糜餉幸以救平而東南民力於是盡矣人民經一度之變亂每念及國家根本常惴惴於禍至之無日社會事業無一進行國家政務因之止步不得已而延長總統任期而人民慮遠思深以爲將來之禍變終不能免且禍變之推測愈遠則國事之停滯愈多我國國際地位已在四面楚歌之中欲圖生存競爭豈能長此終古此就往事驗之而知國體之必宜變革者也又謂國勢之強強於衆志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以堂堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之爲期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以爲將來競爭大總統之戰亂不知已於何時後來之事思之寒心方備亂之不暇而何有於致治若不從根本改革無論爲大總統者如何賢明不過多方設法以維持現狀已爾欲求立憲以謀國家之進步南轅北轍其道無由此就將來論之而知國體之不可不從速變革者也更有就君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而一易或數十年而一易甚或數年而一易其開創之君非不雄才大略規模宏遠無如數傳而後法度漸弛遺澤就湮國統遂絕六朝五代之際君位直如奕棋人民蕩析離居幾於不可終日論者每舉以爲君主制病而不知此非君主制之病君主而不採用立憲制之病也世界各國政治均由人治時代晉而爲法治時代而中國政治蓋猶有數千年來人存政舉之選思前此治亂相循邦基不固國是未定厥有由來現在欲求立憲既以君主爲前提而實行君主制度尤必以立憲爲要義查東西立憲國家有強固之政府以擔負責成有穩健之議會以協贊政府上下相與之際各有一定之法令以爲運行君主總攬大權實居於調燮之地位相推相盪以劑其平英主無所增中主無所損故國家元首雖等於神聖之尊嚴而其實嘗立於政治潮流之外有政府與人民接近之事而無君與民衝突之

事國有長君固係國家之福即有時嗣君以沖齡踐祚亦不至搖動邦基世界立憲國家其政治史蓋可取而覆按也我國若於決定君主立憲國體後使憲政得以實行是有數千年君主之利而無數千年君主之弊政治革新遠軼二五矣此就君主立憲綜合言之而知中國之國體政體舍此更無他道也以上各種理由特就全國國民歷次請願書中所主張舉其較重者言之餘者尙更僕難盡成編具在可以覆徵代行立法院因其言之痛切而有益於事勢也以決諸國民之公意而全國之國民代表亦遂人同此心同此理以相與有成使我五千年聖聖相承之君主國體回復舊觀各強國盛行之立憲政治得所期望猗歎盛哉固係我國民程度之高而以國民組織國家以國民推戴君主開世界最新之特例留歷史無上之光榮試以此次改革與從前征誅之局相較征誅者克以武力彼此不免猜嫌非厲行專制之後難言民意此次改革純出於民意之協同全國上下共此一心憲政之進行法治之國家即可由斯起點再以此次改革與從前揖讓之局相較揖讓之授受終未能出自人民其君民之感孚恐不能異常融洽此次推戴純出於民意之愛戴君民之際不啻家人好民之所好惡民之所惡斷不至稍形隔膜故自君主立憲國體確定以來 今上皇帝以救國救民之案願爲國利民福之良圖於國家根本問題則從速制定憲法定期召集民選之立法機關於國家行政事務則派員調查弊稅爲刷新財政之圖下令考試甄用人才爲延攬賢能之具其附麗於數千年來君主國體之一切弊政如沿用閹人採選宮女以及拜跪奔走繁文縟節等等又已 明令聲明概從屏棄永懸厲禁併聲明總期君主稅政悉予掃除等因開國規模權輿於此上年十二月十三日國體既定文武官吏觀賀

皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不敢避惟中國至大國事至重予以一手一足爲力幾何所望大眾同心協力犧牲一切以救國家庶足匡予不逮此次籌備大典務宜刪削繁文不僅吾國歷代繁重之典禮不可蹈襲即世界各君主國現行之典禮苟有稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝爲尊榮則國家必不保即大衆如視皇帝爲尊榮則國家亦必危自今以後予與國民當共視爲臥薪嘗膽之日惟願各以國家爲重以期共濟艱難若國體既改而於政治不能整理進行不僅予無以對我國民即庶職百司亦皆無以對我國民也等語 天語煌煌羣衆感泣恭繹其義約有數端一國體決定後將來政治進行必有以慰全國人民之希望二犧牲一切以救國則決定國體事件實關於國家之久安長治不關於一姓之安富尊榮三籌備典禮力削繁文必一洗數千年君主秕政之積弊四因國事艱難願萬衆同心協力即爲實行立憲政治之精神此項鄭重宣言求之中西史乘均所罕覩凡我國民均應一心一德仰副聖懷矧自改元洪憲以來首 頒注重師範教育及警察法規之令凡所以爲增進國民智識維持國家公安計者用意至爲深遠而整理財政實行預算制度并以 明令聲明辦事者多節一分糜費即爲國家厚一分財源并即爲吾民養一分物力等因節用愛人之訓充足表示憲政精神至於國家政務應與應革事件現復通盤計畫虛懷採納以期利於民者無不興病於民者無不去唐虞三代之盛軌五洲萬國之隆規如果天佑中華行之十年必有治定功成之日溯自清末失政民罹水火想望治平不可必得良善者坐困閭閻被黠者輟耕隴上卒因救濟無法終不免以暴易暴之嫌如水益深如火益熱民生憔悴數年於茲今幸空前絕後之法定國民代表大會以全國一致之公誠定萬年不拔之君憲而代行立法院復以全國國民總代表之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有責願各竭手足之能成此昌明之運國家幸甚國民幸甚特此通告

洪憲元年一月十日

●經界局經界學校招考廣告

本校隸屬經界局因養成經界職員起見特招本科及特科學員各五十名授以高等測量學及經界必要知識特科投考資格中學校畢業會習過各省陸軍測量學及工業專門學校土木科二三年級課程具有測量及數學根柢者本科投考資格曾在中學校畢業者各學員考取入學所有在學中學費膳費住宿費實習費等均由校中供給特科學員每人更月給膏火十元以資津貼畢業後一律歸經界局任用考試地點北京經界局上海大同學院考試時期三月一日至三日有志投考者請付郵票十三分向以上兩處領取詳細章程及報考書可也報考一月二十五號截止

籌備國民代表大會事務局通告

爲通告事本局此次籌備國民代表大會悉依國民代表大會組織法之規定辦理所有與各監督往來文電均確遵法律不越範圍并隨時送登政府公報本局爲法律上籌備機關業於上年十月十二日呈報籌備進行辦法文內聲明此後國民代表大會之組織既爲國家大法所明定則國民代表之如何選舉亦即爲國家大政之所關國家大政應依法定標準而行所有法定籌備機關及法定監督機關如何執行法律悉應以官文官電爲準此外報紙揭載若於國民代表大會有關事件除係照登業經宣布之官文官電外其或得諸傳聞或出諸懸揣苟有與法定辦法不符之處在各該報紙即無故濬觀聽之心而事關國家根本大計似未便任其訛以傳訛致與代立法院格外審慎之情有違擬請在國民代表大會籌備進行期內除國民代表大會組織法當然遵守外即組織法所未備者亦以法定之籌備機關監督機關依法發布之官文書爲準其在法律範圍內者各報章如有登載錯誤之處即由各監督轉飭地方官署隨時查明更正等因復於十月十六日諫電將上項辦法通電各監督長官又於上年十月十七日篠電以國民代表大會組織法公布以後之私人函電如果在法律範圍之內本非絕對不可採用惟此事既係依法辦理則無論如何運用終不能大遠於立法之精神本局開辦之初即有鑒於此曾經呈明 大總統略稱組織法公布以前之種種議論均以組織法爲歸宿組織法公布以後之種種辦法一以組織法爲標準等因通電各監督長官聲明迅速依法籌備各在案乃自滇事發生後竟有假託本局名義或其他箇人名義捏造電報登各報者閱之不勝駭異查本局電報上年十月間既已通電聲明以依法發布之官文書爲準此項捏造電報係在原呈所謂不在法律範圍內者之列亟應通電再行聲明應請各監督轉飭地方官署遵照上年通電查明更正以免誤會總之國民代表大會事關國家根本大計各省各特別行政區域監督長官依法辦理既爲地方人民所共見即非一紙電報所能私況各縣初選當選人選舉之調查審查其舉辦時期確在國體請願事件尙未發生以前各該初選區域但有舞弊違法之事本局無不立予依法糾正全案多已載諸政府公報豈能指爲預有操縱之心迨籌備國民代表選舉期內凡所謂依照法定程序及確依法律範圍之電幾於日有數起當其時舉國人心望治若渴汲汲於早定國是或尙不免有以本局拘文牽義爲本局詬病者觀過知仁則本局執行法律之苦衷卽可以拘牽而證明其尊重而謂本局敢於法律範圍以外有所行動耶現在各省各特別行政區域

籌辦國民代表選舉投票各項實在情形業准先後咨報冊報到局本局當即隨時分別彙報有案是法定全國國民代表之如何依法選舉如何依法投票辦理者既非一人舉行者復非一地監督本各有責任籌備亦初無成心法律範圍始終恪守檔案具在事實難誣未容以杯弓蛇影之談疑及於畢雨箕風之好除通電聲明假託本局名義暨簡人名義所登非法電報係屬捏造或由各報紙傳聞失實所致應依上年十月十六日本局通電由各監督長官轉飭地方官署查明更正外特此通告

●大律師李焜燁廣告

本律師專以鞏固國法擁護人權鋤強扶弱爲目的現已銷假仍代理北京各級法院民刑訴訟及一切法律行爲凡有諮詢事件可親至宣內象坊橋正北河沿路西蔚公寄廬電話南局一千零三十號本事務所接洽

●中國銀行廣告

本行於去年九月間派員赴滇籌設雲南分行並未開辦現在籌備各事均已停止並無對外發行之件如有冒用雲南中國銀行名義發行文件券據者本行概不負責特此聲明

●北京電話局緊要廣告

敬啟者現在西城一帶綫額已滿而西分局雖籌備一切目下因歐戰未停所有訂購各料亦未能如期運到該處掛號待裝各戶接踵而至但非內局成立後決不能安機即東南城用戶欲移機至西城者以限於號額亦無從移置恐未周知特此廣告

●永增軍裝局刺繡廠廣告

逕啟者自祭祀服章發表本廠即時成立專做各任冠服朝賀吉服女界禮服工精料美頗蒙顧客歡迎今更悉心研究創造繡金製品如各王公金花禮服陸海軍警察禮服金領袖章以及外交各部金花禮服均可照章繡做較諸舶來品有過之無不及並自造海陸軍警察各等禮服金肩章偷蒙光顧祈駕臨打磨廠西口內本號接洽可也

電話南局五五四 又二二五二